



## Poslovni rezultati i planovi Koncerna Agram



Sa prezentacije ambicioznih planova

# Milijardu maraka prihoda

Novi potpredsjednik Koncerna Adnan Terzić

Koncern Agram lider je na tržištu obaveznog osiguranja motornih vozila u R. Hrvatskoj i ukupni tržišni lider u osiguranju motornih vozila u BiH, istaknuto je na konferenciji za novinare održanoj u Sarajevu, na kojoj su predstavljene rezultati poslovanja Koncerna za 2007. i najavljeni planovi za 2008. godinu.

Kako je naglašeno, Koncern Agram je u 2007. ostvario prihod od milijardu maraka, što je 15,4 posto više u odnosu na 2006. Rezultate rada i planove predstavili su predsjednik Uprave Bosna-Sunce osiguranja Željko Pervan, predsjednik Uprave Euroherc osiguranja Niko Krivić, te direktor Poliklinike Sunce dr. Emir Talirević.

U okviru Koncerna Agram djeluju osiguravajuća društva Bosna-Sunce osiguranje (BSO) i Euroherc, leasing kuće Euroleasing d.o.o. i 23 stanice za tehnički pregled vozila. Koncern na tržištu BiH zauzima 16,85 posto ukupnog udjela, od toga BSO učestvuje sa 9,84, a Euroherc sa 7,01 posto.

"U 2007. BSO postao je lider

### POSLOVNA ZGRADA

**Koncern Agram će u junu otvoriti novu poslovnu zgradu u Sarajevu, ukupne površine 9.500 kvadratnih metara. U zgradi će, osim tvrtki članica Koncerna, biti smješten i medicinski centar Poliklinika Sunce. Vrijednost projekta je 30 miliona maraka.**

u osiguranju vozila na tržištu BiH. Društvo je u 2007. zauzelo drugu poziciju u ukupnom tržištu osiguranja u BiH, sa ukupnim tržišnim udjelom od 13,4 posto", kazao je Pervan. On je dodao da su planirani premijski prihod za 2008, 42 miliona maraka.

Predsjednik Uprave Euroherc osiguranja Niko Krivić kazao je da je ovo društvo u 2007. ostvarilo premijski prihod od 28,2 miliona maraka, što je rast od 17 posto. Ovom prilikom predstavljen je i novi potpredsjednik Koncerna Agram Adnan Terzić.

A. H.